



ԲԱՑԱՌԻՎ ՀՈՐԻՆՎԱԾՔՈՎ ՄԻՋՆԱԴԱՐՅԱՆ ՀՈՒՇԱՐՁԱՆ

Պատմական Մեծ Հայքի Արցախ նահանգի տարածքում՝ Խաչեն գետի ձախ կողմով ձրգվող լեռնաշղթայի ջրբաժան գագաթներից մեկի վրա է գտնվում հայ ճարտարապետության խիստ հետաքրքրական և առայժմ եզակի հուշարձաններից մեկը՝ Անապատ կոչվող վանքային համալիրը։ Հուշարձանախումբը գտնվում է Կիչան գյուղից մոտ 3 կմ հյուսիս-արևելք (այժմ՝ ԼՂԻՄ, Մարտակերտի շրջան)։ Այդտեղ իրար կից պահպանվել են երկու եկեղեցիներ, որոնցից հյուսիսայինն ունի գավիթ, իսկ քիչ հարավ սեղանատուն է, որից արևելք երևում են թվով հինգ, իրար կից սենյակների հիմնապատերը՝ 1-ից 3 մետր բարձրությամբ։ Մի ուղղանկյուն հատակագծով թաղածածկ շենքի ավերակ էլ կա սեղանատան շենքից արևմուտք։ Դեռևս անցյալ դարի վերջերին այդ կառուցվածքների մեծ մասը կանգուն է տեսել Մակար եպիս. Բարխուտարյանցը՝ և իրավամբ վերագրել է դրանք միաբանական խցերի։ Համալիրի շրջապատում ընդարձակ գերեզմանոցն է, ուր կան բազմաթիվ տապանաքարեր, այդ թվում նաև արձանագրություններ։ Պահպանված խաչքարերը տեղադրված են շինությունների պատերի մեջ, որոնցից հինն ունի 1191 թվականով 6 տողանոց արձանագրություն։ Բացի Մակար եպիս. Բարխուտարյանցից, տեղում 1960—1964 թվականներին եղել են արձանագրագիտական հատուկ գիտարշավի մասնագետները, և դրա շնորհիվ առաջին անգամ Անապատ հուշարձանախմբից արտագրվել ու հրապարակվել են երեք արձանագրություններ²։ Սակայն ճարտարապետական այս հետաքրքիր հուշարձանախմբի առավել խոր ուսումնասիրությունը տրվում է ստորև։ Ավե-

լորդ չենք համարում նշել նաև, որ համալիրի տարածքից հավաքել ենք ևս յոթ արձանագրություն, որոնցից կարևորները ներկայացնում ենք բնագրերի հետ մեկտեղ։ Այսպես, գլխավոր կամ հին եկեղեցին ունի արտասովոր ու հետաքրքիր հորինվածք. այն արտաքինից խաչաձև է³, իսկ ներսում պարզապես միանավ բալխիկ եկեղեցի է, որի հյուսիսային և հարավային կողմերից բացված դռները տանում են դեպի ոչ մեծ ավանդատները, որոնցից յուրաքանչյուրն ունի մեկական լուսամուտ՝ ուղղված դեպի արևելք։ Սակայն կարևոր է նշել այն հանգամանքը, որ այս ավանդատները հետագայի կցորդումներ չեն, ինչպես ցույց տվեցին տեղում կատարված մանրակնի ուսումնասիրությունները։ Ավանդատներն արևելքից ունեն խորաններ, որոնց չափերն ավելի մեծ են, քան բուն ավանդատան մակերեսը։ Բացի այդ, խորաններն ունեն որոշ պայտաձևություն, պայտի ձև ունի նաև Ավագ խորանը, որն այստեղ, ի դեպ, խիստ շեշտված է, և որից ևս դեպի արևելք բացվում է մեկ լուսամուտ։ Եկեղեցին կառուցված է կոպտատաշ և անտաշ տեղական քարերով։ Հուշարձանի ներսում պատերը ամբողջապես ծեփված են եղել, ծեփը պահպանվել է մեծ մասամբ։ Կարելի է հաստատապես ասել, որ որմնանկարներ չեն եղել, այլապես դրանցից մի կտոր գոնե պահպանված կլիներ այնքան լավ մնացած սվաղի վրա։ Եկեղեցու ներսում, տարբեր տեղերում, պատերի մեջ բացված են շուրջ յոթ խորշեր՝ տարբեր չափերի ու խորության (տես հատակագիծը)։ Հավվադեպ երևոյթ է այն, որ, ինչպես եկեղեցու արևելյան մասում Ավագ խորանից անցումը թաղին իրականացված է կորագծով, այնպես էլ արևմտյան ճակատում


¹ Մակար եպիս. Բարխուտարյանց, «Արցախ», էջ 167։

² Դիվան հայ վիմագրության, 5-րդ հատոր, էջ 90։

³ Չափագրեցին Վալերի Զարյանը, Արմեն Քերոյանը, Սամվել Կարապետյանը։

իրականացված է նույն կերպ: Արևմուտքից տաճարին կից է գավիթը, որը նույնպես ունի արտասովոր հորինվածք: Գավիթը՝ չգավի ձգվածություն ունի հյուսիս-հարավ ուղղությամբ և ունի մեկ լուսամուտ՝ հյուսիսից: Այն

վանդատունը, որը ներկայացված է բոլոր կողմերից համալիրի տարբեր շինություններով, չունի և ոչ մի լուսամուտ (դրա հնարավորությունը չունենալու պատճառով): Այդպիսով գավիթը կատարում է նաև միջանցիկ




Անապատ հուշարձանախմբի հատակագիծը

միաժամանակ ընդգրկում է եկեղեցու խաչ-թևերից արևմուտք ընկած, մոտավորապես քառակուսի մակերեսները, որոնք այս դեպքում հարմարեցված են ավանդատների: Վերջիններիցս հյուսիսայինը, որը քիչ ավելի փոքր է հարավայինից, ունի մեկ լուսամուտ՝ բացված հյուսիսից: Սակայն հարավային ա-

սրահի դեր, մանավանդ երբ հաշվի ենք առնում գավթի երկու մուտքերի առկայությունը հարավային և հյուսիսային կողմերից: Ցավոք գավիթը վաղուց արդեն չգրկվել է ծածկից, և կիսավեր երկու պատերի միջոցով միայն դժվար է հորինվածքային որոշակի առանձնահատկության մասին որևէ ենթադրություն ա-

նել: Թերևս ելնելով հատակագծային լուծումից՝ կարելի է ենթադրել, որ գավիթը եղել է թաղածածկ (նկատի ունենալով Արցախի նույն ժամանակաշրջանի նմանատիպ այլ հուշարձանները): Գավթի համարյա կենտրոնում վաղուց արդեն բարձրացել է մի հսկա թխկի՝ մոտ 80 սմ տրամագծով: Հին եկեղեցուց և գավթից հարավ, կից վերջիններիս, արևելք-արևմուտք ուղղությամբ ձգվում է երկրորդ եկեղեցին, որի կառուցման ժամանակը


պես բարավոր ծառայում է մի գեղաքանդակ խաչքար, որի ետևի երեսին փորագրված է շինարարական արձանագրությունը, իսկ ձախատային մասում 12—13-րդ դարերին բնորոշ վարդաքանդակներ են, ուր և երևում են մի քանի բառերի հատվածներ: Մնացած մեծ մասը չի երևում պատի մեջ տեղադրված լինելու պատճառով: Եկեղեցու հիմնադրման արձանագրությունը 6 տողով հետևյալն է.




Ն 4 1



Ն 4 3



Ն 4 2



Ն 4 4

ստույգ հայտնի է: Այդ եկեղեցին, որը նույնպես թաղածածկ է և ունի մեկ մուտք՝ հարավից, կառուցվել է 1759 թվականին: Հավանաբար նույն ժամանակաշրջանում է վերանորոգվել հին եկեղեցին, որի պատերի մեջ ագուցված են ուշ միջնադարյան մի քանի խաչքարեր: Երկրորդ եկեղեցին ևս ունի մեկ ավանդատուն, որը գտնվում է հին և նոր եկեղեցիների միջև և հավանաբար առաջացել է այդ ոչ մեծ մակերեսի նպատակահարմար օգտագործման անհրաժեշտությունից: Եկեղեցին ունի յուրաքանչյուր կողմից բացված մեկական լուսամուտ, բացի հյուսիսային ճակատից: Այս եկեղեցին ևս կառուցված է անտաշ և կիսակրփածո քարերով: Սրբատաշ է միայն շինության կենտրոնական մասում կիսաշրջան թաղը պահող թաղակիր կամարը, որը, չհասած հատակին, ձուլվում է պատի ընդհանուր հարթության մեջ: Եկեղեցուն որ-

ԹՎԻՆ ՌՍԼ — [1759 թ.]
ՅԻՇԱՏԱԿ Է ՍԲ
ԵԿԵՂԵՑԻՍ ՄԻՆԱՍ
Ի ՈՐԴԻ ՊԱՊԱՍԻՆ ԱՂ
ՕԹԻԻՔ ՅԻՇԵՑԵՔ ԵՒ
ԱՅ ԸՁՁԵՁ ՅԻՇԵ ԱՍԵՆ

Հուշարձանախմբից 15—20 մետր դեպի հարավ սեղանատունն է, որը թաղակապ մի փոքր շենք է և տեղադրված է թեքություն ունեցող տեղանքի վրա: Սեղանատան դիրքն այնպիսին է, որ տանիքի մակարդակը հավասար է գլխավոր հուշարձանախմբի հատակի մակարդակին: Դա բացատրվում է տեղանքի խիստ թեքությամբ: Նույն դիրքն են ունեցել նաև միաբանության ավերակ շենքերը: Սեղանատան արտաքին չափերն են 760×490 սմ: Ենթի հարավային ճակատի կենտրոնից բացված է դեպի ներս լայնացող

ոչ մեծ մի լուսամուտ: Սեղանատան մուտքը արևելքից է: Ներսում, պատերի մեջ, տարբեր հատվածներում բացված են թվով 5 խորշեր: Սեղանատունը մի խորշ էլ ունի արտաքինից՝ մուտքից դեպի հյուսիս-արևմուտք ձգված ճակատում: Թաղն իրականացված է կիսաշրջանաձև և առնված է երկթեք ծածկի տակ: Սեղանատունը նույնպես կառուցված է անտաշ և կիսակոփածո կաթնագույն քարերով և ժամանակագրական առումով մոտ է երկրորդ եկեղեցուն: Գերեզմանոցը, որը, ինչպես նշեցինք, տարածվում էր հիմնականում գլխավոր հուշարձանախմբից արևմուտք, այժմ մեծ մասամբ ծածկված է թփերով ու մասամբ էլ խրված հողի մեջ: Գետնի երեսին մնացած գերեզմանաքարերից հավաքել ենք հետևյալ արձանագրությունները.

ԱՅՍ Է ՏԱՊԱՆ ՏՐ ՊՕ
(ՂՈՍԻ ՈՐ) ԴԻ ԱՆԴՐ
(ԵԱՍ ՀԱՅՐԱ)ՊԵՏԻՆ Ռ
ՄԼԹ — 1781 թ.

Մեկ ուրիշի վրա՝ երեք տող.

ԹՎԻՆ
ՏԱՊԱՆ ՏՐ ԻՍ(ՐԱՅԵԼԻՆ)
ԿԻՉԱՆ ԵՒ ՈՐԴ(Ի)

Մի բեկորի վրա՝ երկու տող.

. ԱՐ ՅԱՂԱԻԹՍ Յ
ԻՇԵՑԵՔ ԵՒ ՈՂՈՐՄԻ

Մեկ այլ բեկորի վրա՝

ԱՅՍ Է ՏԱ
ՊԱՆ

Մի խաչքարի վրա (գրչության ոճը՝ 17-րդ դարը).

Շ[Ի]ՐՎ[Ա]ՆՑԻ
ՏՐ ՈՀԱՆ ԳՐ[Ե]ՑԻ

Մեկ այլ խաչքարի վրա՝ եղծված չորս տող.

ԱՋԱ.....ԿԱՆ
ԱՐ...ԳԵՑԻ
.....ԽԱ
.....ՉՍ

Նախկինում հրապարակված են եղել խաչքարի վրա հետևյալ վեց տողերը.

ԹԻՎ: ՈՆ — (1191) ԵՍ ՍՏԵՓԱՆՈՍ Կ
ԱՆԳՆԵՑԻ ԽԱՉՍ Բ
ԱՐԵՆԱԻՍ ՀՈԳՈՅ ԻՄՈՆ
ՇՆՈՂԱՅ ԻՄՈՅ ՈՐՔ ԿԱ
ՐԴԱՅՔ ՋԻՍ ՅԱՂԱԻԹՍ
(ՅԻՇԵՑԵՔ):

Մի տապանաքարի վրա՝ երկու տող.

ԱՅՍ Է ՏԱՊԱՆ ՏՐ ԳՐԻԳՈՐԻՆ ՈՐ ԷՐ
ՄԻԱԲԱՆ ԽՕԹ
ԱՎԱՆՔԻՆ, ՍԱՅ ՈՐԴԻ ԷՐ ՍԻՄԵՕՆԻՆ:
ՌԲՃ ՄԵԿ ԹՎԻՆ (1752) թ.:

Արձանագրությունից պարզվում է, որ 12-րդ դարում, եթե ոչ ավելի վաղ, տեղում եղել է խաչքարերով գերեզմանոց: Այդ ժամանակաշրջանում է գուցե հիմնադրվել նաև հին եկեղեցին, որն ուշ միջնադարում ենթարկվել է վերանորոգման և գուցե մասամբ նույնիսկ ձևափոխման: Պարզ է նաև, որ Անապատը եղել է նշանավոր հոգևոր կենտրոն, որտեղ ապրել ու գործել են մի շարք եպիսկոպոսներ և վարդապետներ:

Անապատից մոտ 500 մետր ներքև, ձորի մեջ, կա մի աղբյուր, որը հնուց ի վեր հայտնի է Անահիտի կամ Անահտի աղբյուր անվամբ: Այժմ Անապատի բարձրադիր տեղից, խիտ անտառի պատճառով, ոչ մի տեսարան չի բացվում: Սակայն մի ժամանակ այն նույն տեղից տեսանելի են եղել հնագույն Պտկի Սուրբ Գևորգ վանքը, 5-րդ դարից հայտնի Կաչաղակաբերդը և ամբողջ խաչեն գետի ընդարձակ հովիտը՝ իր բազմաթիվ գյուղերով ու ավաններով:

ՍԱՄՎԵԼ ԿԱՐԱՊԵՏՅԱՆ

